

Lëtzebuerg, den 31/03/2020

## Communiqué

**D’Pirate gesinn déi aktuell Entwécklungen an Ungarn kritesch. Mir fuerderen eng Stellungnam vun der Regierung an, wann néideg, Konsequenze fir den ungarische Memberstaat, sou wéi se am Artikel 7 vum europäeschen Traité virgesi sinn.**

Den ungarische Premierminister Victor Orban krut den 30. Mäerz, iwwert ee Gesetz, wäitreechend Pouvoire vum Parlament. Virum Hannergrond vun der Bekämpfung vum Coronavirus, kann de Victor Orban vun elo un, an op onbegrenzt Zäit, per Dekret regéieren. Den Etat d’urgence, deen an Ungarn vum 11. Mäerz un a Kraaft ass, kann deemno ouni den Accord vum Parlament belibeg vum President verlängert ginn.

Säit 10 Joer kritizéieren international unerkannten Organisatioune reegelméisseg Verstéiss géint d’Rechtsstaatlechkeet, géint fundamental Prinzipien vun der Justiz, géint d’Pressefräiheet an d’Mënscherechter. Och den Haut-Commissariat fir Mënscherechter vun der UNO ass beonrouegt iwwert déi aktuell Entwécklung an Ungarn. Den Europarat warnt iwwerdeems virun engem onkontrolléierten Etat d’urgence a warnt virum Net-Respektéieren vun fundamentalen demokratesche Rechter a Prinzipien. D’Kommissiounspräsidentin Von der Leyen huet haut an engem Communiqué ënnert anerem Folgendes ugekënnegt :

The European Commission will closely monitor, in a spirit of cooperation, the application of emergency measures in all Member States.

Den Artikel 7 vum europäeschen Traité gesäit fir, datt op Proposition vun engem Drëttel vun de Memberstaaten, op Proposition vum europäesche Parlament oder der Kommissioun, den europäesche Rot, eng Violatioun vun den am Artikel 2 vum Traité festgehale Valeure vun der europäescher Unioun ka constatéiert ginn. Mir PIRATEN fuerderen, datt d’Regierung préift, ob de Lancement vun esou enger Prozedur am Fall vun Ungarn oportun ass.

D’PIRATEN fuerdere vun der lëtzebuergescher Regierung, wann néideg, datt si sech staark mécht, fir Konsequenzen fir den ungarische Memberstaat, deen hei potentiell fundamental Prinzipie vun der Demokratie a vun der europäescher Unioun ënnergrueft.

